

Мана кандидат—ӱкрч И. Х. Ходяков

Яшалтинск района 105-ч номертӱ совхозин клубл, 1-ч 2-ч, 3-ч болн 4-ч фермсин кӱдлмшчнр, механизатормуд болн церглӱчнр хурцхав.

Совхозин директор ӱр Пьянов И. М. хург секснӱ хӱбн. тӱрӱн болдж, 4-ч номертӱ фермиг залгч Кравченко ӱг авч, Хальмг АССР-н Деед Советин депутатин кандидатд, мана фермин ах малч ӱр Ходяков Иван Ходженовичиг темдглджӱнӱв гив.

ӱр Ходяков И. Х. Яшалтинск района, 2-ч Чонст угата хальмгин булд, 1932 джил тӱрсмн. 12 настагъасн авн эклдж Омск областин „Центральн-Любинск“ 241-ч номертӱ совхозд, мал хӱлӱдж хӱруллгӱнд кӱдлв.

Тӱрскн газртан ирн Ходяков Яшалтинск района 105-ч номертӱ совхозд ах ӱкрч болдж кӱдлджӱнӱ. Хойр джилин эргид эн ах малчин хӱлӱджӱх 220 укмулӱс нег чигн гару

уга 1957 джил 100 ӱкр болгънас 100 тугъл авч, цугтнӱ ӱмд-менд ӱскдж, гару уга бӱвр, 1958 джил 100 ӱкр болгънас бас 100 тугъл авб.

Ода эн ах ӱкрчин бригад мал ӱвлзӱллгӱнд йилгӱн сӱн белдвр кедж, цуг хаша-хаацан цагтнӱ ясдж диглдж, малиннӱ хот ӱвсӱн ӱвлин туршарт элвг кӱрхӱр овалдж белдв.

Кравченко хӱбн босдж, ӱг авч келсн эклц парторганизацин сеглӱтр ӱр Абушинов, фермин залгч Мучкинов болн нань чигн кесг ӱмтн, цугтан ах ӱкрч Ходяковиг депутатин кандидатд темдгллгӱн чик гилж дӱнӱнцхӱв.

Хальмг АССР-н Деед Советин депутатрин кандидатд цуг нег кӱн мет, нег дуугъар сунъгъврин, 31-ч номертӱ Октябрьск округар, ӱр Ходяков Иван Ходженовичиг темдглджӱнӱвдн гидж эн хург тогтавр авб.